

隨園詩話卷五

隨園詩話卷九

倉山居士著

白布衣朱草衣。小時有破樓僧。扣名陽鍾之句。因之
得名。晚年無子。卒後塋清涼山。余爲書清故詩人朱草
衣先生之墓。勒石墳前。余宰溧水。蒙見贈云。登爲花縣
一江分。來從惟攜兩袖雲。待客酒從朝起設。告天香每
夜來焚。自慚龍尾非名士。肯把猪肝累使君。却喜循良
人說遍。墟渠塞巷盡傳聞。郊外云。亂鴉多在野。深樹不
藏村。與客夜集云。羈身同海國。歸夢各家鄉。大觀亭云。

長江園地白老樹隔朝清晚行云土人防虎門書字水
屋義魚樹有燈贈某侍御云朝罷宮袍多質庫時清諫
紙盡鈔書

隨園地曠多樹木夜中鳥啼甚異家人多怖之予讀王
葑亭進士平溝早發云怪禽聲類鬼暗樹影疑人先得
我心矣其他佳句如大星高出樹殘月細流溪月斜人
影忽在水風過秋聲正滿山滿帽黃花逢醉客一肩紅
葉識歸樵皆妙

湖州潘進士立亭名汝晟詩宗韓杜五古尤佳偶成云

靜士難爲介。靜女難爲媒。嫁容靜女醜。交而靜士羞。盛
年易晡晚。獨抱無驛郵。桃李非我春。蒲柳非我秋。鶴老
心萬里。鵬怒翼九州。未免笑樊援。豈屑伍喧呶。接春潤
章句。摘卉膏吟哦。非無蘭若玩。風騷旨已多。詩濤與詩
骨。韓孟雨嵯峨。昆體逮鐵體。滔滔同一波。金天削秀華。
碧海鳴神鼉。義色少姚佚。吉詞無淫頗。袁中南風手。誇
爲南風歌。寥寥發古響。羯鼓如予何。潘宰直隸某縣。以
迂緩故。幾被劾矣。適傳忠勇公平金川歸。潘獻銑歌公
大謬。嘗乃改爲車薦。

鮑參士之鍾字雅堂詩人步江之子詩有父風而清逸
處往往突過前人秋雨乍晴云著帽芒鞋準備秋秭晴
便擬看山遊江潮入郭無三里溪水到門容一舟亭午
白雲開野徑夕陽黃葉下僧樓閒身自笑如閒鶴欲度
前峯却又休五言如一鳥掠溪鏡四山明畫簾魚跳重
湖黑蒲喧急雨來七言如道心靜似山藏玉書味清于
水養魚翻書細檢遺忘事撥火閒尋未過香片柳帶鴉
明遠照塔鈴和月語清音皆可愛也雅堂常言作七古
詩雅不喜一韻到底余深然其言顧寧人云詩轉韻力

活三百篇無不轉韻

秦中詩人楊平安鸞見訪適余外出歸後見照一丹雪
霽云寒瘦自性情苦吟工未能晚晴窗上日先曬硯池
冰開砧云滿院苔痕合重門樹影深

余宰江寧時所賞識諸生秦澗泉雙雲苔涂長卿俱登
科第而流落不偶者惟車靜研與沈瘦岑沈工古文不
爲詩車詩有可存者河南道中云三月春陽淡不濃老
冰如石漱寒風蹇驢覓路人家遠日暮山均虎眼紅農
家云築場如鏡草堆山遠屋黃花映碧潭閒倚茅簷看

客過南人北去北人南

智應王孟亭太守爲樓村先生之孫丁卯見訪江寧携
胡林坐門外侯主人請見乃已遂相得甚歡聘修江寧
志書朝夕過從書言樓村先生教人作詩以三山爲師
一香山一義山一遠山也有從子嵩高字少林少年偶
儻論詩不服乃偁而服隨園大梁懷古云搖落偏驚旅
客魂秋風回首眺中原三花樹色開神岳萬里河聲下
孟門形勝鬱盤終古在英雄慷慨幾人有信陵策士俱
黃土獨有侯生解報恩

揚州張哲士與蔣秋涇交好蔣尤自負作遊山一首程
魚門有爲小謝勃然怒曰分明大謝何小之有留別哲
士云竟挂秋帆決計行關心天末倚間情便歸只好留
三月浪跡無端已半生人世乘除蒼狗幻名山期許白
頭成艱勤相屬還相慰愁聽西風雁一聲哲士寄懷云
戀友心空切寧親去敢遲纔爲三夕別已是百回思避
日簾仍下道涼楊未移不知江上路秋暑可曾衰哲士
咏胭脂云南朝有并君王八北地無山婦女愁以此得
名人呼張胭脂

中州李竹門過隨園見贈云園在六朝山色裡一筇先
要問高臺碧梧葉響秋將至紅藕花香客正來其詩頗
清惜年甫三十而卒余愛其咏鞭云一事思量轉惆悵
不能行到祖生先郊外云山勢趁潮多北向人心如雁
只南飛

燕湖施長春曼郎少年有衛叔寶之稱余宰江寧時泰
澗泉屢爲致意云將渡江求見已而病亡有上塚歌云
白楊樹城東路野草萋萋葬人處挈榼提壺出郭行可
憐今日又清明富家塚高高傍嶺貧家塚低低亞吟塚

中貧富人不同一樣酒澆不能飲暝烟慘淡日西斜
槥提壺遠返家一線陰風旋不定紙錢飛上棠梨花
吳門顧星橋進士詩才清冠等夷家有月滿樓藏書萬
卷海內知名之士無不交投編繹予目爲今之鄭當時
龍潭一律云微風綏綏送江聲最好龍潭道上行碧樹
數叢堪作障青山一半不知名閒情轉向塵中得幽景
偏宜客裏生晚覓茅齋投一宿花前試看酒旗輕進士
名宗泰

姚申甫方伯與沈永之觀察本中表親姚姊妹沈二人

年少時與余同肄業書院。每見方伯家遣僮擔盒供其
子培。二人同登鄉會科。沈寄姚詩云：辛勤二老訓喃喃。
愛培猶如愛長男。甘脆每教常健飯。苦吟猶記許分甘。
沈殿試二甲第三。姚二甲第二。自後官培沈必差姚一
級。姚爲觀察。沈爲太守。沈爲觀察則姚爲方伯矣。沈又
寄詩云：平生每好居人後。今日還應讓弟先。余將赴廣
西。余撫軍之聘姚賦詩相留。且就使將軍重揖客。何如
南國有詞人。後四十年姚竟巡撫廣西。余寄書云：不料
當日所謂將軍卽此時之閣下。惜我不能來作揖客耳。

永之在書院寄因詩云深院蛺蝶嬌無語坐小園花嫩卷
簾看爲掌教楊文叔先生所賞

余在都時永之引見滿洲學士春臺春自元年三十時
目不識丁從一禪師靜坐三月頗以爲苦一夕提刀欲
殺禪師仰頭見月忽然有悟賦詩便工塞外云野水吞
人面青山繞馬聲浮云連帽起殘雪帶鞭行殊雄偉公
愛永之與枚以爲兩少年必貴每至必留飲留宿遣妾
捧觴

桐城相公七十生辰余與諸翰林祝壽宴罷各賜詩扇

一柄詩寫田園雜興云不識風塵勞擾但知云水盤桓
買畚偶來城市祀神一著衣冠小橋流水村近疎柳長
堤路斜車馬不聞叩戶鷄豚自識還家烟生茅屋云白
雨過菱塘水新今歲秋田大稔稻苗高過行人竹屋正
臨流水樓離曲繞閒亭此是吾廬本色被人偷作丹青
作苦最憐田婦布衣椎髻無華饁餉並攜稚子采桑不
摘閒花公終身富貴而詩能淡雅若此
嚴公瑞龍作湖北布政使續漢上題襟集招諸詩人唱
和亦公卿雅事也傳辰三感春云恰恰春分二月半分

春妙手愛東君。但愁過却花朝後。一日春容減一分。日
落殘橫夜向晨。半醺花意欲留人。夜闌莫怯風吹袂。爲
愛梅花不惜身。大雨戲作云。雨師一夕興淋漓。筆尖亂
點西窗紙。初猶落洛蛸蛸分。繼則盈盈垂露似。須臾漫
漉一片濕。直似秦碑沒字體。殊有東坡風起沈樹得落
花云。飛燕蹴歸簾影裡。遊魚吹起浪花中。葉聲木送人
云。吹酒涼風穿樹過。破烟水月隔樓生。
康熙壬寅。余七歲受業於史玉瓚先生。雍正丁未。同入
學。先生不甚作詩。而得句殊雋。偶成云。好鳥鳴隨意幽。

花落自然病中云廿年辛苦黥婁婦半世酸辛伯道兒
終無子余爲葬于葛嶺

忱歸愚尙書晚年受士知遇之隆從古詩人所未有

作秀才時七夕悼亡云但有生離無死別果然天上勝

人間落第咏昭君云無金贈延壽妾自誤平生深婉有

咏皆集中最出色詩六十七歲與余同入詞林紀恩

詩云許隨香案稱仙吏望見紅云識聖人

與余同薦鴻臚前者有戶部主事尙庭楓号茶洋陝西人

爲人詭誕不羈忽而結駟連騎忽而布衣藍襪賦詩有

奇氣如落花乎地二尺厚芳草如天萬里青月華照樹
有烏鵲云氣上天如白羊皆警句也

余愛誦金壽門故人笑比庭中樹一日秋風一日疎之
句杭董浦先生曰此句本唐人高蟾君恩秋後葉一日
一回疏不足爲壽門奇壽門佳句如佛烟聚處都成塔
林雨吹來半雜花咏苔云細雨偏三月無人又一年乃
真獨造余按古人佳句都有所本陳元孝池花對影落
沙鳥帶聲飛本李羣玉沙鳥帶聲飛遠天梁藻亭龙虎
片云終王漢詩書餘火竟燒秦倣唐入半夜素灵先哭

楚一星遺火下燒秦楊誠齋不知落得幾多雪作盡北
風無限聲傲唐人流到前溪無一語在山作得許多聲
閑秀李金娥咏路上柳云折取一枝城裏去教人知道
是春深湖州高氏小女有一聯云也知春色歸人早鄰
女鈿邊有杏花

相傳江寧南城外瑞相院後叢竹中爲馬湘蘭墓望江
樓雁門題詩云葉飄難禁往來風未肯輸與向狡童畫
到蘭心留素素苑依僧院示空空知音卓女情雖切薄
幸玉郎信未終一點憐才真意在青青竹節又鳴中絕